
Dat kann ja gaar nich anners, leve Ollen

IN D' LUUR

Karin Böhmer

redaktion@on-online.de



De Düütsken kriegen kien Kinner mehr – so hett dat lang heten. Un dat stimmt. Vergangen Jahr kreeg en Froo in hör Leven good annnerthalv Kinner – so seggt de Statistik. Man 1994 weren dat blot een un en Viddel Kind. Also noch minner. Is wahrchtig kien Wunner, dat de Bott för all de Stöppkes, de nu komen, knapp word. Ik meen: Annerthalv! Waar sölln de all hen? De röttig Spöölplatzen worden doch weer bruukt. Un dat in de Kitas tomaal överall Platzen fehlen, dat kann ja gaar nich anners, leve Ollen! Un denn willen ji noch Uppass bit in d' Namiddag rin? Good – dat is all maal toseggt worden. Dat de Froolüü arbeidn un liekers Kinner kriegen. Man nüms kunn weten, dat se sük würrrelk Büngels an't Been binnen un willen, dat de Staat Woord holt.
